

Engaschament internaziunal da la Svizra per rinforzar la stabilitad finanziala

Il pli important en furma concisa

Per la Svizra cun sia plazza da finanzas impurtanta e cun sia ferma industria d'export è in sistem finanziel e monetar internaziunal stabil da gronda impurtaanza. Ultra da realisar ina politica da finanzas naziunala prudenta sustegna la Svizra perquai las iniziativas internaziunalas per dumagnar la crisa finanziala e sias consequenzas. En las organisaziuns ed en ils gremis internaziunals ils pli impurtants dal sectur da finanzas sa participescha ella al svilup da standards. En quest connex sa tracti da s'occupar e da superar la crisa finanziala, ma er da stgaffir directivas generalas effizientes per regular il martgà da finanzas internaziunal. Ils forums ils pli impurtants en quest connex èn il Fond monetar internaziunal (FMI) ed il Financial Stability Board (FSB).

La Svizra en il Fond monetar internaziunal

L'incumbensa principala dal FMI è quella da surveglier la politica economica da ses stadiis commembers. Uschia gida el a stabilisar il sistem finanziel e monetar internaziunal. A ses stadiis commembers porscha el agid tecnic e pussaivladads da scolaziun per als sustegnair en la formulaziun ed en la realisaziun d'ina politica efficazia en il sectur da l'economia e da las finanzas. En crisas gida el ils stadiis commembers pertutgads cun agids finanziels cumplexivs e cun elavurar programs da refurma per lur politica monetara, budgetara e finanziala. Dapi l'onn 1992 è la Svizra representada en il cussegli executiv dal FMI che ha 24 commembers.

En vista a la crisa finanziala ed economica ha il FMI deliberà ina seria d'agids finanziels ed ha activà en quest connex ina part considerabla da sias resursas. La summa totala da ses meds finanziels è sin quai vegnida augmentada:

- Ils meds da las «Novas cunvegnes da credit», l'ancra per la segirezza finanziela dal FMI en temps da crisas, èn vegnids augmentads il mars 2011 da circa 52 milliardas USD a 567 milliardas USD. La part da la Svizra è creschida da 2,3 milliardas USD a 16,8 milliardas USD.
- L'avrigl 2012 è vegni decidi in augment extraordinari dals meds finanziels dal FMI. Tut en tut vegnan 39 commembers a metter a disposizion al FMI ulterioras 461 milliardas USD. La Svizra ha empermess ina contribuzion da maximalmain 10 milliardas USD.
- Cun l'entrada en vigur da la refurma da las quotas e da la gestiun, ch'è vegnida concludida l'onn 2010, vegn la summa totala da las quotas dal FMI (uschenumnads meds finanziels ordinaris dal FMI) redublada a 735 milliardas USD. La quota svizra vegn a crescher da 5,2 milliardas USD a circa 8,9 milliardas USD.



Schweizerische Eidgenossenschaft
Confédération suisse
Confederazione Svizzera
Confederaziun svizra

Departament federal da finanzas DFF

La Svizra en il Financial Stability Board

Il Financial Stability Board (FSB) è il gremi internaziunal central en il sectur da la stabilitad dal martgà da finanzas. Il schaner 2013 è il FSB sa transfur-mà en in'uniu tenor il dretg svizzer cun sedia a Basilea tar la Banca dals reglaments internaziunals. Las incumbensas principales dal FSB cumpligian la coordinaziun da lavurs internaziunalas en ils secturs da la stabili-tad finanziala e da la regulaziun dal martgà da finanzas. Da temp en temp sviluppa el er agens standards. Ils commembers èn – ultra dals stadis da la G20 – er Hongkong, Singapur, ils Pajais Bass, la Spagna e la Svizra. Pli-navant èn represchentadas en il FSB las organisaziuns e las firmas interna-zionalas las pli impurtantas che defineschan standards (standardsetters). La Svizra ha dus sezs che vegnan occupads dal Departament federal da fi-nanzas e da la Banca naziunala svizra.

In sectur da lavour central dal FSB, nua che la Svizra coopereschha activa-main, è la surveglianza d'instituts da finanzas ch'èn relevantes per il sistem (systemically important financial institutions, SIFIs). Ils stadis commem-bers che dattan domicil a SIFIs d'ina impurtanza globala duain suttamet-ter questi instituts a pretensiuns pli grondas concernent ils agens medis fi-nanziars ed als obligar da far plans transcunfinals da sanaziun e da liqui-dazion. Per las bancas d'ina relevanza globala è vegnida deliberada l'onn 2011 ina tala cunvegna da basa; per las assicuranzas d'ina relevanza glo-balà èn questas stentas en elavuraziun. Plinavant sa fatschenta il FSB actualmain oravant tut cun la regulaziun d'uschenummadas bancas zup-padas (p.ex. fonds dal martgà monetar).

Ina gronda impurtanza ha la surveglianza da la realisaziun da refurmias concludidas, per exemplu en il sectur da derivats negoziads ordaifer la bursa. In instrument impurtant èn en quest connex ils uschenummads «peer reviews», q.v.d. controllas tematicas specificas dals commembers dal FSB en pajais determinads. La Svizra è vegnida suttamessa l'onn 2011

ad ina tala controlla, ed ella sa participeschha adina puspè a controllas te-maticas specificas, p.ex. tar il tema «Reducziun da la dependenza da vali-taziuns da la solvenza».